



<<Քայլ առ քայլ>> բարեգործական հիմնադրամ  
<<Նախադպրոցական հաստատության մանկավարժական  
աշխատողների մասնագիտական կարողությունների և  
հմտությունների զարգացման>> ծրագիր

## ՀԵՏԱԶՈՏԱԿԱՆ ԱՇԽԱՏԱՆՔ

Հաստատություն՝ Գորիսի թիվ 5 ՆՈՒՀ ՀՈԱԿ

Թեմա՝ Մանկավարժական աշխատողի

ուսումնադաստիարակչական աշխատանքի պլանավորումը՝  
նախադպրոցական կրթության պետական կրթական չափորոշի  
պահանջներին համապատասխան

Դաստիարակ՝ Սոֆիկ Ոսկանյան

## ԲՈՎԱՆԴԱԿՈՒԹՅՈՒՆ

Ներածություն.....3

**ԳԼՈՒԽ 1. «Մանկավարժական աշխատողի  
ուսումնադաստիարակչական աշխատանքի պլանավորումը՝  
նախադպրոցական կրթության պետական կրթական չափորոշիչի  
պահանջներին համապատասխան»**

1.1 Ուսումնական և դաստիարակչական խնդիրների իրականացումը  
մանկապարտեզում՝ համապատասխան կրթության պետական կրթական  
չափորոշիչի պահանջներին.....5

1.2 Նախադպրոցական կրթության պետական կրթական չափորոշիչային  
ոլորտներն ու կարողունակությունները.....7

**ԳԼՈՒԽ 2 ԳՈՐԾՆԱԿԱՆ ԱՇԽԱՏԱՆՔ**

1.2 Դաստիարակի մանկավարժական աշխատանքի  
պլանավորում.....  
....12

Եզրակացություններ.....  
....14

Օգտագործված գրականության  
ցանկ.....15

## ՆԵՐԱԾՈՒԹՅՈՒՆ

**Հետազոտության թեմայի արդիականությունը:** Սույն հետազոտության արդիականության համար հիմք է հանդիսացել նախադպրոցական մանկավարժական աշխատողի կողմից նախադպրոցական կրթության պետական կրթական չափորոշի պահանջներին համապատասխան ուսումնական պարապմունքների պլանավորումը, քանի որ նախադպրոցական կրթության պետական չափորոշիչն այն հիմնական ուղեցույցն է, որի պահանջներին համապատասխան պետք է պլանավորվի ուսումնական պարապմունքը նախադպրոցական ուսումնական հաստատությունում: Չափորոշչում նշված են այն բոլոր արդյունավետ կետերը, որոնք հիմք են հանդիսանում նախադպրոցականի կրթության ու զարգացման համար: Աշխատանքը ուսումնասիրելիս կտեսնենք, որ չափորոշչում նշված են նաև սաների ուսումնառության համար պարտադիր կարողունակությունները, որոնց պետք է տիրապետի երեխան: Սա իհարկե նշանակում է, որ յուրաքանչյուր մանկավարժական աշխատող(նախադպրոցական և դպրոցական), ուսումնական պարապմունքը պլանավորելիս, պետք է անպայման ուսումնասիրի և պահպանի նախադպրոցական կրթության պետական կրթական չափորոշչային պահանջները:

Նախադպրոցական կրթությունը, ինչպես գիտենք, ամբողջական գործընթաց է, որն ուղղված է նախադպրոցական տարիքի երեխայի զարգացման ապահովմանը: Չափորոշիչներին համապատասխան ուսումնական պլան կազմելով՝ դաստիարակը կհասնի այն բանին, որ սանը կկարողանա հասկանալ և տիրապետել սեփական նախասիրություններին, ունակություններին, կարողություններին, հոգեկան և սոցիալանձնային առանձնահատկություններին: Այսպիսով սանը դպրոց մուտք կգործի որոշակի պատկերացում կազմելով իր <<ես>>-ի և հասակակիցների մասին, ինչն էլ ապացույցն է այն բանի, որ նախադպրոցական ուսումնական հաստատությունը պատասխանատվություն է կրում երեխայի բնականոն զարգացման համար:

**Հետազոտության նպատակը:** Սույն հետազոտության նպատակն է ուսումնասիրել նախադպրոցական կրթության պետական չափորոշիչները՝ մանկավարժական աշխատողի կողմից ուսումնադաստիարակչական աշխատանքի ճիշտ պլանավորման ու իրականացման համար՝ հիմք դնելով խելացի, զարգացած, կրթված սերունդ

դաստիարակելու գործին: Դաստիարակը իր աշխատանքային գործունեության ընթացքում ուսումնասիրում է յուրաքանչյուր սանի ֆիզիկական և հոգեկան առողջությանը վերաբերող յուրաքանչյուր հարց՝ պարտավորություն կրելով պահպանել մանկավարժական աշխատանքի նորմերն ու պահանջները՝ պատասխանատվություն կրելով սանի առողջության, զարգացման համար:

**Հետազոտության խնդիրը:** Հետազոտության խնդիրն է ուսումնասիրել և աշխատանքի մեջ կիրառել բոլոր արդյունավետ միջոցներն ու մեթոդները, որոնք կօգնեն նախադպրոցական մանկավարժին նախադպրոցական ուսումնական հաստատությունում պլանավորել և անցկացնել նախադպրոցական կրթության պետական կրթական չափորոշի պահանջներին համապատասխան ուսումնական պարապմունքներ: Դաստիարակը պետք է օգտվի այնպիսի միջոցներից ու մեթոդներից, որոնք դրականորեն կազդեն նախադպրոցական սանի հոգեկան առողջության և սանի՝ որպես «առողջ» անհատի ձևավորման վրա:

**ԳԼՈՒԽ 1. «Մանկավարժական աշխատողի ուսումնադաստիարակչական աշխատանքի պլանավորումը՝ նախադպրոցական կրթության պետական կրթական չափորոշի պահանջներին համապատասխան»**

**1.1 Ուսումնական և դաստիարակչական խնդիրների իրականացումը մանկապարտեզում՝ կրթության պետական կրթական չափորոշի պահանջներին համապատասխան**

Նախադպրոցական ուսումնական հաստատությունում ուսումնական և դաստիարակչական գործընթացի արդյունավետ իրականացման, մանկավարժական կանոնների պահպանման համար պատասխանատու են բոլոր նախադպրոցական մանկավարժական աշխատողները, որոնց գործառույթն է երեխաների հետ կատարել ամենօրյա դաստիարակչական աշխատանք՝ հաշվի առնելով սաների անհատական առանձնահատկությունները: Պետք է ցուցաբերել համբերություն ոչ միայն սաների, այլև նրանց ծնողների հետ շփման ընթացքում: Մանկավարժական կանոնների, սաների լիարժեք և ճիշտ զարգացման մասին մանրակրկտորեն խոսվում է կրթության պետական կառավարման լիազորված մարմինի կողմից: Իսկ մանկավարժի պարտականությունն է հաշվի նստել նրանց կողմից սահմանված կանոնների հետ՝ կրթված, խելացի սերունդ դաստիարակելու համար, քանի որ չափորոշիչների սահմանումը նպատակաուղղված է նախադպրոցական տարիքի երեխայի իմացական շարժառիթների խթանմանը, նրա ինքնաձանաչման, ինքնադրսևորման, համակողմանի և ներդաշնակ զարգացման ապահովմանը, առողջ կենսակերպի հիմքերի ձևավորմանն ու սոցիալականացմանը: Եվ ի վերջո մանկավարժական գործունեությունը պահանջում է գիտելիքների, մասնագիտական կարողությունների, փորձի լիարժեք ձեռքբերման շարունակական բարելավում: Նոր չափորոշիչների սահմանումը հնարավորություն է տալիս մանկավարժին ծանոթանալ կրթական նոր մեթոդներին, ուսուցման արդյունավետ պայմաններին, սաների տարիքային և անհատական հոգեբանական առանձնահատկություններին: Չափորոշիչը նաև կրթական հիմնական ծրագրերի նպատակների իրագործումը ցույց տվող չափանիշների կատարման ընդհանուր մակարդակն է, երեխայակենտրոն կրթության հիմքը, որը հնարավորություն է ընձեռում արձագանքելու երեխաների կարիքներին և հետաքրքրություններին, հարգելու երեխաների անձը, հենվելու երեխաների ուժեղ կողմերի վրա և խթանելու համատեղ ուսումնառություն:

Ըստ պետականորեն սահմանված կետերի

**1. Նախադպրոցական կրթության պետական կրթական**

չափորոշիչը հանրակրթության պետական կրթական չափորոշիչ բաղկացուցիչ մաս կազմող նորմատիվ իրավական ակտ է, որը սահմանում է նախադպրոցական տարիքի երեխաների (ըստ տարիքային խմբերի) զարգացման կրթական ծրագրերի բովանդակությունը, նրանց ներկայացվող վերջնարդյունքները, ուսումնական բեռնվածության առավելագույն ծավալը, նախադպրոցական տարիքի երեխաների կրթության և զարգացման վերջնարդյունքի ապահովման հիմքերը:

**2. Չափորոշիչի հիմքում** նախադպրոցական տարիքի երեխաների կարողունակությունների վրա հիմնված մոտեցումն է:

**3. Չափորոշիչը ներառում է՝**

1) ուսումնադաստիարակչական հիմնական բնագավառները, կրթական ծրագրի բաղադրիչները և դրանց սահմանման մանկավարժահոգեբանական սկզբունքները.

2) երեխաների ուսումնական, խաղային բեռնվածության առավելագույն չափը կամ դրանց հարաբերակցությունը.

3) երեխաների զարգացման ընթացքի և առաջադիմության մակարդակի դիտարկման ձևերը.

4) նախադպրոցական ուսումնական հաստատություններում ներառական և երեխայակենտրոն միջավայրի չափանիշները, որոնք հաստատում է կրթության պետական կառավարման լիազորված մարմինը.

5) նախադպրոցական ուսումնական հաստատություններում երեխայի անվտանգ միջավայրի և աղետներին պատրաստվածության չափանիշները:

4. Չափորոշիչը հանդիսանում է երեխայակենտրոն կրթության հիմքը. հնարավորություն է ընձեռում արձագանքելու երեխաների կարիքներին և հետաքրքրություններին, հարգելու յուրաքանչյուր երեխայի անձը, խթանելու համատեղ ուսումնառության գործընթացը:

5. Նախադպրոցական կրթության պետական կրթական չափորոշիչի իրականացումը նախադպրոցական ուսումնական հաստատությունների կողմից պարտադիր է՝ անկախ դրանց կազմակերպարավական ձևից և ենթակայությունից:

6. Ըստ չափորոշիչի, մշակվում են միջին և բարձրագույն մասնագիտական հաստատությունների նախադպրոցական ֆակուլտետների (բաժինների) ուսումնական ծրագրեր և վերապատրաստումների թեմատիկ պլաններ, ծնողական կրթության ծրագրեր: <sup>1</sup>

Ինչպես արդեն նշեցինք, նախադպրոցական մանկավարժները անպայմանորեն պետք է ունենան մարդկային այնպիսի բարձր արժանիքներ, ինչպիսիք են հարգալից վերաբերմունքը յուրաքանչյուր երեխայի նկատմամբ, հանդուրժողականությունը և հավասարության սկզբունքի սահմանումն ու պահպանումը: Չէ որ ամեն դաստիարակ առաջին հերթին այն մարդն է, ով մշտապես երեխաների կողքին է՝ խմբում, զբոսանքի, ճաշի և քնի ժամանակ: Նրանցից յուրաքանչյուրի պարտքն է վերահսկել սաների բարեկեցությունն ու անվտանգությունը: Դաստիարակը այն անձն է, ով մշտապես կապի մեջ է սաների հետ, ով վարում է երեխայակենտրոն գործողություններ՝ կարդալով կամ պատմելով հեքիաթներ, խաղալով զարգացմանը նպաստող խաղեր՝ վերահսկելով խմբի կարգուկանոնը, ով իր ակտիվ և անմասն մասնակցությունն ունի հանդեսների կազմակերպման գործում: Եվ վերջապես չափորոշիչները ևս մեկ միջոց են դաստիարակի համար, որպեսզի նա կարողանա ուսումնական պարապմունքները անցկացնել ժամանակակից մեթոդներով:

Չափորոշիչների կարևոր առանձնահատկություններից մեկն այն է, որ այն ևս մեկ անգամ հուշում է այն մասին, թե ինչու չի կարելի ուսումնական պարապմունքների ժամանակ սաներին դնել կաղապարների մեջ: Ինչու պետք է թույլ տալ նրանց ինքնաարտահայտման և սեփական կարծիքն անկաշկանդ արտահայտել: Ըստ չափորոշիչների սահմանած կանոնների ու կետերի, հարկավոր է խրախուսել երեխաների ինքնուրույն խոսքը, ստեղծագործականությունը, նախառեռնողականությունը, տրամաբանական մտածողությունը, քանի որ հենց նման կերպ կարելի է հիմք նախապատրաստել, որ նախադպրոցականը կարողանա

<sup>1</sup> <https://www.arlis.am/documentview.aspx?docid=72808>

սոցիալականացվել, դրսևորվել: Այս ամենը ճիշտ կազմակերպելու և իրականացնելու համար, հարկավոր է, որ մանկավարժաման աշատողները քաջաձանոթ լինեն նախադպրոցական կրթության պետական կրթական չափորոշիչային պահանջներին:

Չափորոշիչները առաջին հերթին սահմանումն է այն բանի, որ նախադպրոցական տարիքը սանի, որպես անձի, կայացման կարևորագույն և առաջնային շրջանն է: Ահա թե ինչու, աշխատանքում կարմիր թելի պես գնում է այն միտքը, որ նախադպրոցական կրթության համակարգը պետք է ուղղված լինի ոչ միայն գիտելիքներով հարուստ սանի զարգացմանը, այլև նրա անձնական որակների, բնավորության կարևոր հատկանիշների(հարգանք մեծահասակի և հասակակիցների նկատմամբ, բարյացակամություն, հոգատար վերաբերմունք շրջապատող աշխարհին, հայրենիքին և այլն) և սոցիալական հմտությունների զարգացմանը:

## **1.2 Նախադպրոցական կրթության պետական կրթական չափորոշիչային ոլորտներն ու կարողունակությունները**

Նախադպրոցական կրթության պետական կրթական չափորոշչում հստակ սահմանված են նախադպրոցական տարիքի սաներից ակնկալվող կարողունակությունները: «Կարողունակությունները նախադպրոցական տարիքի երեխաների կողմից ուսումնառության և դաստիարակության գործընթացում ձեռք բերված գիտելիքի, հմտությունների, արժեքների և դիրքորոշումների հիման վրա ըստ իրավիճակի արդյունավետ ու պատշաճ արձագանքելու ձևեր են: Նախադպրոցական տարիքի երեխաների կարողունակությունները ձևավորվում են ուսուցման և դաստիարակության կազմակերպման միջոցով»: Նախադպրոցական կրթության կարողունակություններն են՝

1. լեզվական և հաղորդակցական կարողունակություն
2. ճանաչողական և մոտիվացիոն կարողունակություն
3. ինքնաճանաչողական և սոցիալական կարողունակություն
4. ժողովրդավարական և քաղաքացիական կարողունակություն
5. թվային և մեդիա կարողունակություն
6. մշակութային կարողունակություն
7. մաթեմատիկական և տեխնիկական կարողունակություն
8. տնտեսական կարողունակություն
9. ֆիզիկական կուլտուրայի կարողունակություն: <sup>2</sup>

Այս կարողունակությունները մեկը մյուսին լրացնող, շարունակող և ամբողջացնող կետեր են, որոնք սաների նախադպրոցական կրթության մեջ ունեն իրենց ուրույն սեղը:

Լեզվական և հաղորդակցական կարողունակությունը սանի այն հատկությունն է, որով նա որոշակի հարաբերությունների մեջ է մտնում ուրիշների հետ, ձևակերպում

<sup>2</sup> <https://www.arlis.am/documentview.aspx?docid=72808>

է իր ասելիքը, տեղեկություններ հաղորդում և ընդունում՝ ճշտորեն վերծանելով տեղեկությունը: Մյս կարողունակության օգնությամբ խթանվում է նախադպրոցականի կապակցված խոսքը, պարզ համառոտ և ընդարձակ նախադասություններ կազմելու ունակությունը, հասակակիցների և մեծահասակների հետ զրույցելու կարողությունը: Լեզվական և հաղորդակցական կարողունակությունը կարելի է ասել, որ հիմք է հանդիսանում մյուս կարողունակությունների ձևավորման համար:

2) Ճանաչողական և մոտիվացիոն կարողունակությունը

Մաները դրսևորում են ակտիվություն, հետաքրքրասիրություն, ճանաչողական հետաքրքրություն աշխարհի, առարկաների և երևույթների, ինչպես նաև հարաբերությունների կառուցման հանդեպ: Երեխան հաճույքով, ակտիվ ներգրավվում է գործունեության տարբեր ձևերի, մտավոր տարբեր գործողությունների, նոր բացահայտումների մեջ:

3) Ինքնաճանաչողական և սոցիալական կարողունակություն՝

Երեխան ճանաչում է իր արտաքին առանձնահատկությունները, ձեռք է բերում սեռադերային պատկերացումներ: Երեխան ունի պատկերացում սեփական հնարավորությունների մասին, վստահություն սեփական ուժերի և կարողությունների հանդեպ: Ընդունակ է ինքնակազմակերպվելու, դրսևորում է ինքնուրույնություն և ինքնասպասարկման հմտություններ: Գործողություններում դրսևորում է նպատակաուղղվածություն և կենտրոնացվածություն: Երեխան ճանաչում է սեփական և այլոց հույզերը, կարողանում է կառավարել սեփական հույզերը: Ճանաչում է մեծահասակների և հասակակիցների փոխհարաբերություններում սահմանված վարքային կանոնները և դրսևորում է սոցիալապես ընդունված նորմերին համապատասխան վարք: Շփման մեջ նախաձեռնող և կառուցողական է, դրսևորում է ընկերակցելու, համագործակցելու հմտություններ:

4) Ժողովրդավարական և քաղաքացիական կարողունակություն՝

նախադպրոցական տարիքում երեխան տիրապետում է բարեվարքության և սոցիալական արդարության պարզագույն կանոններին. դրսևորում է հարգանք և հոգատարություն շրջապատի հանդեպ, գնահատում է արարքների բարոյական ուղղվածությունը: Ճանաչում է հայրենիքը, Հայաստանի խորհրդանիշները (դրոշ, զինանշան, օրհներգ), դրսևորում է սեր և նվիրվածություն հայրենի երկրի հանդեպ: Ունի տարրական պատկերացումներ սեփական իրավունքների ու պարտականությունների մասին:

5) Թվային և մեդիա կարողունակություն՝

Երեխան ունի տարրական պատկերացումներ մեդիայի վերաբերյալ, կողմնորոշվում է մեդիա բազմազանության մեջ, մեծահասակի աջակցությամբ գնահատում է ներկայացված տեղեկատվությունը, այն համադրում սեփական պատկերացումներին՝ դրսևորելով քննադատական և ընտրողական մոտեցում: Երեխան կարողանում է օգտվել մեդիա տարրական գործիքներից՝ միևնույն ժամանակ հասկանալով դրանց կիրառման հնարավոր վտանգները և այդ հարցում սեփական պատասխանատվությունը: Երեխան դրսևորում է առարկաների, երևույթների մոդելավորման և ստեղծագործական կարողություններ, տարբերում է իրական և վիրտուալ աշխարհները, հասկանում դրանց տարբերությունները:

6) մշակութային կարողունակություն՝



երեխան կարողանում է գնահատել գեղեցիկը, ճանաչում և վերլուծում է հանրահայտ հայ և արտասահմանյան մանկագիրների գեղարվեստական ստեղծագործությունները, ճանաչում է ազգային և համաշխարհային մշակութային նմուշների ինքնատիպությունը: Դրսևորում է ընդգծված հետաքրքրություն գեղարվեստական գործունեության հանդեպ, ունակ է երաժշտության, կերպարվեստային գործունեության տարբեր տեսակների, ազգային տոների ու ավանդույթների միջոցով արտահայտելու սեփական հույզերը, զգացմունքներն ու տպավորությունները:

7) մաթեմատիկական և տեխնիկական կարողունակություն՝

երեխան կարողանում է կատարել պարզ մաթեմատիկական գործողություններ, համեմատում, հետազոտում է առարկաները և երևույթները, գտնում է տարբեր խնդիրների լուծումներ, ճանաչում է թվանշանները, տիրապետում է նախաթվային և թվային հասկացություններին: Երեխան կարողանում է որոշել առարկաների քանակը, համեմատել դրանք ըստ մեծության, չափի, ձևի և գույնի, տարբերակել մասը և ամբողջը, երկրաչափական պատկերներն ըստ հատկանիշների: Կարողանում է առարկաները տարբերակել նաև ըստ նյութի: Ցուցաբերում է հետաքրքրություն սարքավորումների հանդեպ, կարողանում է ծանոթ տեխնիկական հանգույցներից կառուցել նոր համադրություններ:

8) տնտեսական կարողունակություն՝

երեխան կարողանում է համարժեք ճանաչել և վերլուծել մեծերի աշխատանքը և դրանից ստացված արդյունքները: Գիտի տարբեր մասնագիտությունների անվանումներ և դրանց առանձնահատկությունները: Ցուցաբերում է տնտեսական պարզ հասկացությունների իմացություն, գիտի իր հետ առնչվող առարկաների ձեռքբերման եղանակները, կիրառում է տնտեսական պարզ բառապաշար: Երեխան հասկանում է շրջապատող աշխարհի և բնության երևույթների միասնականությունն ու փոխկապակցվածությունը: Ճանաչում է բնության երևույթները, գիտի բնության առանձին երևույթների վտանգների, դրանցից պաշտպանվելու մասին, անվտանգ վարքագիծ է դրսևորում բնության առանձին երևույթների՝ կայծակի, ամպրոպի, կարկուտի, անձրևի, մառախուղի ժամանակ: Ունի տարրական պատկերացումներ շրջակա միջավայրի և դրա պահպանման վերաբերյալ: Կարողանում է նկարագրել մարդու և տնտեսության ազդեցությունը բնության վրա: Հասկանում է շրջակա միջավայրի պահպանման գործում սեփական դերը, նշանակությունը և մասնակցում է այդ գործընթացում:

9) ֆիզիկական կուլտուրայի կարողունակություն՝

երեխան պատկերացում ունի ֆիզիկական վարժությունների առողջարարական նշանակության, առողջ սննդի, առողջ ապրելակերպի վարման հիմնական կանոնների՝ օրգանիզմի կոփման, օրվա ռեժիմի, հիգիենիկ կանոնների, ճիշտ կեցվածքի պահպանման մասին: Ընկալում է ֆիզիկական վարժությունների ճիշտ կատարման ձևը, ճանաչում և տարբերում է ամառային և ձմեռային մարզաձևերը: Ընդհանուր պատկերացում ունի շարժողական ընդունակությունների, տարածված մարզաձևերի, մարզագույքի, սպորտային հանդերձանքի մասին, ճանաչում է հայ և այլազգի անվանի մարզիկներին: Երեխան ընդունակ է ճիշտ կատարելու մարմնամարզական, աթլետիկական վարժություններ, տարաբնույթ շարժողական գործողություններ շարժախաղերում, մարզախաղերում, շարժողական ակտիվության այլ ձևերում: Դրսևորում է անհրաժեշտ ֆիզիկական պատրաստվածություն և

պահպանում է առողջ ապրելակերպի վարման կանոնները: Երեխան ինքնուրույն կատարում է նմանողական շարժումներ, ընդհանուր զարգացնող վարժություններ՝ առանձին, զույգերով, մարզագույքով: Վարժությունների կատարման ընթացքում, շարժախաղերում, թիմային խաղերում դրսևորում է ինքնուրույնություն, կարգապահություն, կամք, պատասխանատվություն, համագործակցություն, վճռականություն, փոխօգնություն, ընկերասիրություն, նախաձեռնողականություն:

10. Շարժողական ոլորտում նախադպրոցական տարիքի երեխաների զարգացման և կրթական վերջնարդյունքներն են.

ա. երեխան ինքնուրույն կամ մեծի օգնությամբ կարողանում է սողալ, սողալով մագլցել ոչ բարձր առարկաների վրա և իջնել, կքանստել ու կանգնել,

բ. կարողանում է նստել առանց հենվելու և բռնվելու որևէ առարկայից,

գ. կարողանում է կանգնած դրությունից թեքվել և ուղղվել առանց ոտքերը շարժելու,

դ. սկսում է ինքնուրույն քայլել, ոչ բարձր առարկայի վրայից անցնել դեպի մյուսը, ե. կարողանում է ձեռքերով հենարանից բռնած բարձրանալ և իջնել աստիճանի և բլրակի վրայից,

զ. կարողանում է քայլել մեծի ցույց տված ուղղությամբ, քայլել գլորած առարկայի հետևից,

է. կարողանում է ակտիվ գործողություններ կատարել առարկաներով որոշակի արդյունքի համար՝ մեկ առարկան դասավորել մյուսի մեջ, բացել և փակել արկղի կափարիչը, օղակն անցկացնել ձողի վրա և հանել, նետել առարկաներ:<sup>3</sup>

«Նախադպրոցական տարիքի երեխաների կրթության բովանդակությունը հիմնականում ներառում է զարգացման հետևյալ ոլորտները՝

1) շարժողական ոլորտ.

2) խոսքի և հաղորդակցական ոլորտ.

3) հուզական, սոցիալ-անձնային ոլորտ.

4) իմացական ոլորտ.

5) ինքնասպասարկման, անվտանգության, առողջ ապրելակերպի ոլորտ»<sup>4</sup>

Այսպիսով, կարող ենք արձանագրել, որ յուրաքանչյուր ուսումնական պարապմունքի պլանավորման հենքը չափորոշիչն է: Դրանում ամրագրված դրույթներն ու սկզբունքները պարտադիր են նախադպրոցական կրթության պլանավորման համար: Կրթության ու զարգացման ընթացքը պետք է լինի երեխայակենտրոն, հաշվի առնվեն նրանց հետ տարվող անհատակողմներեշիչ աշխատանքների ու մշտադիտարկումների արդյունքները: Երեխաները պետք է բնականոն ինտեգրվոն սոցիալական միջավայրին, ունենան տարիքային առանձնահատկություններով

<sup>3</sup> <https://www.arlis.am/documentview.aspx?docid=72808>

<sup>4</sup> Նույն սեղում

պայմանավորված կապակցված, ֆիզիկական պատրաստվածություն, իմանան ու ճանաչեն ազգային ավանդույթներն ու իրազեկ լինեն համամարդկային արժեքներին, ունենան տրամաբանական ու ստեղծագործական մտածողություն:

Այս ամենն ապահովելու համար նախադպրոցական մանկավարժական աշխատողները պետք է կիրառեն ժամանակակից մեթոդամանկավարժական մոտեցումներ, ունենան մասնագիտական աճ, ինքնակրթվեն և արդյունավետ համագործակցեն միմյանց հետ:

## ԳԼՈՒԽ 2

### ԳՈՐԾՆԱԿԱՆ ԱՇԽԱՏԱՆՔ

Դաստիարակի մանկավարժական աշխատանքի պլանավորում  
ԹԵՄԱ՝ «ՁՄԵՌ»

ՆՊԱՏԱԿԸ՝

- Սաներին ծանոթացնել ձմեռ եղանակի հետ՝ ընդհանրացնելով ձմռանը տեղի ունեցող փոփոխությունների, ձյան փաթիլի, եղանակային փոփոխությունների մասին պատկերացուկները:
- Նպաստել իմացական գործընթացների, ճանաչողական հետաքրքրությունների զարգացմանը
- Ձևավորել համապատասխան վերաբերմունք շրջակա միջավայրի հանդեպ
- Հաղորդել տարրական գիտելիքներ բնության մեջ տեղի ունեցող փոփոխությունների մասին
- Դաստիարակել սեր և հոգատար վերաբերմունք շրջակա միջավայրի հանդեպ
- Զարգացնել հաղորդակցական հմտությունները՝ սաների մոտ ձևավորելով զրուցելու, հարցերին պատասխանելու ունակությունները

Թեմայի խնդիրները՝

- Հաղորդել տարրական գիտելիքներ տարվա եղանակների, դրանց հերթագայությամբ պայմանավորված բնության սեզոնային փոփոխությունների և մարդկանց կյանքում կատարվող փոփոխությունների մասին
- Պատկերացում տալ ձյան, քամու հատկությունների մասին
- Բնության մեջ ճիշտ վարքագիծ դրսևորելու կարողություն  
Թեմայի վերջնարդյունքը
- Ճանաչի տարվա եղանակները և բնության որոշ երևույթներ, օր. ձյուն, քամի
- Նկատի բնության գեղեցկությունը
- Դրսևորի հոգատար վերաբերմունք բնության նկատմամբ
- Դրսևորի ճիշտ վարքագիծ բնության գրկում

Կապը չափորոշի ոլորտի հետ

Խոսքի և հաղորդակցության ոլորտ (Ջ)- Ընկալում է նկարի բովանդակությունը և վերարտադրում այն:

Հուզական, սոցիալական ոլորտ(Բ)- սոցիալական հույզերի միջոցով արտահայտում է իր վերաբերմունքը շրջապատող աշխարհին:

Թեմայի լավ ընկալման նպատակով անցկացնել նաև ցուցադրական պարապմունք, որն իր մեջ ներառում է երգ, ասմունք, նկարչություն:

Սաների մեջ կգարգանան հետևյալ կարողունակությունները

- լեզվական և հաղորդակցական կարողունակություն
- ճանաչողական և մոտիվացիոն կարողունակություն



## Եզրակացություններ

Այսպիսով, սույն աշխատանքը կատարելիս, եզրակացնում ենք, որ նախակրթական մանկավարժական աշխատողը պետք է այնպես պլանավորի իր կատարելիք աշխատանքը, որ արդյունքում ունենանք կրթված, զարգացած սերունդ: Մաների մեջ պետք է ձևավորել կրթական չափորոշիչներով սահմանված կարողունակություններ՝ դիմելով ուսուցման նորարարական տեխնոլոգիաներին, քանի որ վերջիններիս օգնությամբ սաները կլինեն ավելի նախաձեռնող և ինքնուրույն, կդառնան առողջ հասարակության հիմնաքարը:

Դաստիարակի համար խիստ կարևոր տեղ պետք է զբաղեցնի սանի հոգեբանական առանձնահատկությունները: Միայն այդպես սանը կկարողանա լինել հասարակության լիիրավ անդամ: Զբոսանքի, խաղի կամ ուսումնական պարապունքների ժամանակ հարկավոր է անդադար զրուցել սաների հետ, պարզաբանել այս կամ այն երևույթի մասին

հուզող հարցերը: Այսպիսով, դաստիարակը հիմք է նախապատրաստում, որ առաջիկայում նախադպրոցականն ունենա առաջընթաց ու կարողանա ձևավորել կապակցված խոսք, լինի ավելի ինքնուրույն ու կազմակերպված: Վերահաստատենք մեր այն պնդումը, որ ժամանակի կրթական մարտահրավերներով պայմանավորված՝ մեծ դեր ունի նախադպրոցական մանկավարժների ինքնակրթվելու, նորարարություններն ու կրթական ժամանակակից մոդելներն ուսումնասիրելու հետաքրքրությունը: Եվ որպես վերջաբան, ասենք, որ այս ամենը կդառնա առողջ ապագա կերտելու հիմնաքարը:

Օգտագործված գրականության ցանկ

1. <https://www.arlis.am/documentview.aspx?docid=72808>
2. <https://www.arlis.am/documentview.aspx?docid=72808>
3. ՀՀ օրենքը «նախադպրոցական կրթության մասին <https://www.arlis.am> > docu...21 Հայաստանի Իրավական Տեղեկատվական Համակարգ.